

413

AD QVODLIBETARIAM.

QVAESTIO MEDICA MATVTINIS DISPVATIONIBVS  
DISCVTIENDA, IN SCHOLIS MEDICORVM PARISIENSIVM, DIE IOVIS IIII. MENSIS  
FEBRVARII, MAGISTRO HENRICO BLACVOD DOCTORE MEDICO, PRÆSIDE SAPIENTISSIMO.

*An dyspnoea thoracis & pulmonum affectus consequatur?*



IN TRIBVS HVMANI CORPORIS VENTRIBVS, quos in animali perfecto situ à se inuicem distare oportuit, medius thorax vt à superiore clauibus, ita phrenibus ab inferiore distinctus, sternò, vertebis, hinc inde costis & pluribus musculis conclusus, in cum vsum, qui vitæ domicilio commodus videretur, conformatus est: vt non modo cor mediam in corpore sedem suo iure sibi vindicans, per se calidum, virtutis pulsantis à vitali facultate distinctæ fontem contineret: verum etiam vt præcipue suo motu, quocientur pulmones aërem attractum elaborantes ad seruandam caloris innati symmetriam, substantiamque spiritus animalis nutriendam, voluntatis imperio respirationem efficeret. Quæ thoracis partibus illæsis numquam difficilis esse potest.



Quoniam ex contrariis conflata corporis nostri substantia, mutationibus propemodum infinitis obnoxia est, thoracis vt & reliquarum partium, optima constitutio tum ab internis causis vel oris ab ipso vel ex aliis partibus, potissimum verò cerebro defluentibus: tum ab externis (quæ non minus quam internæ aliquando graues & perniciosæ sunt) per se morbo qui fit suæ generationis partem inducentibus immutari solet. In quibus calor & frigus alicum atque pulmonum mollitudo cum thoracis imbecillitate potiores partes tenent, quarum omnium cognitio securè facturo medicinam necessaria est.



INC DIVERSARVM thoracis partium diuersis modis affectarum primò læduntur actiones. si enim primariò cordis facultas ab illis pertingatur, quemadmodum ipsa peculiari eius temperamento aptè suas exercet functiones, sic illo pereunte non solum cordis ipsius sed etiam cerebri atque iecoris tentantur officia, vt in syncope fit. Sin autem tabe pulmones corroditi & ad sanguinis reiectionem totiusve corporis maciem exulcerari, peripneumonia inflammari, empyemate iuxta ipsos in thoracis concauitate pus confici, pleuritide phlegmonem ad membranam costas succingentem nasci, aut alio quodam modo thoracis partes, animali facultati, cuius est tota respiratio, subiectas affici contingat, non ita necesse est cæterarum actionum facultates statim lædi.



VND E CVM SINGVLOS ferè thoracis morbos, inter cætera symptomata quibus carere nulli possunt, animalium actionum læsio consequatur, fieri non posse videtur quin spiritus vel debiliter vel deprauatè operetur vel aliquando prorsus deficere sentiat. Imò dum larynx, ventriculus, hepar, lien, aut intestina atque adeo uterus in mulieribus affectione quadam grauius infestantur difficultas respirandi non potest non adesse.



QVEMADMODVM AVTEM cum respirationis organa rectè secundum naturam habent spiritus quantitas thoracis distentionibus similis est: ita si non seruetur illa respirandi proportio, amissæ libertatis est indicium. vt si ab instrumentorum angustia totum thoracem celeriter & frequenter dilatari neque tamen multum spiritus exufflati: si à nimio cordis aut pulmonum calore cum magnitudine frequentia & respirationis celeritate calidum spiritum exufflando produci: si à virium imbecillitate thoracis & muscutorum & diaphragmatis motum sensim effici: dilatationem haud quaquam magnam esse & ferè nullam ab ore exufflationem fieri percipimus.

*Ergo dyspnoea thoracis & pulmonum affectus consequitur.*

Asserebat LVTTETIÆ HIERONYMVS GVLONIVS Parisinus, Græcarum literarum Professor Regius, anno salutis 1610.

DOMINI DOCTORES DISPVATVRI.

M. Gabriel Biart  
M. Gulielmus Lescailion  
M. Petrus Collier

M. Robertus le Secq  
M. Simon le Tellier Med. Reg.  
M. Richardus Marcezz



M. Philippus Arduinus de S. Iacques  
M. Nicolaus Marchant  
M. Franciscus du Port